



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10) i člana 132 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08, 20/10, 4/13 i 31/13), Skupština Brčko distrikta BiH, na 19. redovnoj sjednici održanoj 9. oktobra 2013. godine, razmatrajući Prijedlog budžeta Brčko distrikta BiH za 2014. godinu, donosi

O D L U K U O ODRŽAVANJU JAVNE RASPRAVE O PRIJEDLOGU BUDŽETA BRČKO DISTRIKTA BiH ZA 2014. GODINU

Član 1

Ovom odlukom uređuje se način održavanja javne rasprave o Prijedlogu budžeta Brčko distrikta BiH za 2014. godinu.

Član 2

Nosilac aktivnosti provođenja javne rasprave je Komisija za budžet, Skupštine Brčko distrikta BiH zajedno s predstavnicima Direkcije za finansije Brčko distrikta BiH i nadležnih odjeljenja Vlade Brčko distrikta BiH.

Član 3

Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Prijedlog budžeta Brčko distrikta BiH za 2014. godinu učini dostupnim na web-stranici Vlade Brčko distrikta BiH www.bdcentral.net.

Član 4

Javna rasprava održat će se u vremenskom periodu od **17. 10. 2013. do 30. 10. 2013.** godine, u predviđenim terminima, kako slijedi:

1. **17. 10. 2013.** godine, u Potočarima – u prostorijama Mjesne zajednice s početkom u **17 sati**;
2. **18. 10. 2013.** godine, u Gornjem Rahiću – u prostorijama Mjesne zajednice s početkom u **14 sati**. Istoga dana u Maoči – u prostorijama Mjesne zajednice s početkom u **17 sati**;
3. **21. 10. 2013.** godine, u Šatorovićima – u prostorijama Mjesne zajednice s početkom u **14 sati**. Istoga dana u Omerbegovači – u prostorijama Mjesne zajednice s početkom u **17 sati**;
4. **22. 10. 2013.** godine, u Bukviku – u prostorijama Mjesne zajednice s početkom u **14.30 sati**. Istoga dana u Seonjacima – u prostorijama Mjesne zajednice s početkom u **17. 30 sati**;
5. **24. 10. 2013.** godine, u Donjem Breziku – u prostorijama Mjesne zajednice s početkom u **14 sati**. Istoga dana u Ražljevu – u prostorijama Mjesne zajednice s početkom u **17 sati**;

6. **25. 10. 2013.** .godine, u Brčkom – u Domu kulture s početkom u **17** sati. Javna rasprava održat će se s predstavnicima mjesnih zajednica, političkih partija, Privredne komore, Sindikata i udruženja građana;
7. **28. 10. 2013.** godine, u Krepšiću – u prostorijama Mjesne zajednice s početkom u **14** sati. Istoga dana u Boću – u prostorijama Mjesne zajednice s početkom u **17.30** sati;
8. **29. 10. 2013.** .godine, u Bijeloj – u prostorijama Mjesne zajednice s početkom u **14. 30** sati. Istoga dana u Brki – u prostorijama Osnovne škole s početkom u **17.30** sati;
9. **30. 10. 2013.** godine, u Ulicama – u prostorijama Mjesne zajednice s početkom u **14** sati. Istoga dana u Grbavici – u prostorijama Mjesne zajednice s početkom u **17** sati.

Član 5

Finansijska sredstva za organizovanje i provođenje javne rasprave, te štampanje **800** primjeraka Prijedloga budžeta za fiskalnu 2014. godinu kao i njihovu distribuciju obezbijedit će Vlada Brčko distrikta BiH.

Član 6

Nakon provedene javne rasprave, odnosno poslije **30. 10.** 2013. godine, skupštinska Komisija za budžet će sumirati kompletnu raspravu i podnijeti Skupštini izvještaj s prijedlozima i mišljenjima s javne rasprave.

Član 7

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-179/13
Brčko, 9. 10. 2013. godine

PREDSJEDNIK
SKUPŠTINE BRČKO DISTRIKTA BiH

Đorđa Kojić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Komisiji za budžet Skupštine Brčko distrikta BiH
- 5) Direkciji za finansije
- 6) Sektoru za koordinaciju politika i opće poslove
- Odsjeku za opće poslove
- 7) Arhivi